



Hortulus Biblico-Moralis Et Asceticus

Pappus von Tratzberg, Franz

Ulm, 1725

Doctrina 3. Desumpta ex cap. 3. 4. & 5. lib. 3. Regum, in quibus
describitur Oratio Salomonis à Deo exaudita, collata ei sapientia in lite
mulierum per admirandam sententiam comprobata. Salomonis ...

[urn:nbn:de:hbz:466:1-61252](#)

Considera 2. Plurimis Christianis idem evenire, quod Scripturā teste cap. 2. evenerat Sacerdoti Abiathar, qui partes ambitiosi Adoniz secutus, Salomonis vindictam in se provocavit, audiens ab illo: *siquidem vir mortis es tu, sed hodie te non interficiam, quia portasti Arcam Domini &c.* Ita illi, partes Mundi sāpē per flagitia & peccata secuti, haud dubie æternā morte à divino Salomone multarentur: nī per Sacram Communionem Eucharisticas Species (quæ ceū Arca Domini coeleste Mana continent) in suis labiis & stomacho portāssem. Quare S. Laurent. Justin. in Serm. de Eucharist. ad sanguinem Agni paſchalifalludens, quō Deus à Populo suo portarum postes tingi voluit, Christianos sacram convivium accedentes talibūs alloquitur verbis: *neque tibi percussor Angelus nocere valebit, si Agni istius saginatus fueris Edulio.* Pulchre etiam ad propositum nostrum assent Albertus M. tract. c. 2. supra illa verba Apocal. nolite nocere terræ & mari &c. consignari debet Christo, qui est de familia Christi & sanguinis ejus, quia non consignati percutiuntur. Est profecto Eucharistica isthac Arca, devote à Christiano portata, opus illud, intuitu cuius ait Habacuc ad Deum: *cum iratus fueris misericordia recordaberis.* Hinc Christiane Lector, qui toties peccatis tuis divinam provocasti vindictam: ut vitam conserves, & pœnam effugias æternam, frequentem hanc Arcam per devotam communionem porta. Per devotam inquam communionem: alias indignè portans, judicium portabis tibi, experturus idem, quod v. 29. citati cap. Iosab accidit, qui licet ad Tabernaculum Domini confugerit, apprehendens cornu Altaris, mortis tamen telum non effugit, tangens Sacratum locum manibūs sanguine Abner & Ainasæ pollutis.

Doctrina 2.

Desumpta ex cap. 3. 4. & 5. lib. 3. Regum, in quibus describitur Oratio Salomonis à Deo exaudita, collata ei sapientia in lite mulierum per admixtam sententiam comprobata. Salomonis pactum cum Hira de Lignis & operariis, ad edificium Templi requisitis &c.

N. 283. Considera 1. **S**alomonem à Deo audientem: postula à me, quod vis, ut dem tibi. cap. 3. v. 5. Non petuisse regales Thesauros, non insignes de hostibus triumphos, non novas Regiones, quibus dominaretur, non multos & seros Posteros, sed unicam petuisse sapientem.

pientiam, quam etiam summo in gradu obtinuit. Hac verò vix obtentā contigit teste S. Scripturā v. 16. citati cap. venisse ad ipsum duas mulieres litigantes: tunc venerunt duas mulieres &c. Quod factum expēndens S. Greg. Moral. lib. 8. c. 17. ait: *anima, qua sublevata immenso lumine exultat, tentatione pulsata, quid sit, inveniat &c.* Vult ergo illuminatus iste Doctor dicere: animam Christiani hominis, quam primum à Deo altiori sapientiā illustretur, illico tentationib⁹ vexari, ne in noxia quiete relīcta, vanè de se præsumat. Sapientissimi filii parens sapientissimus eodem tempore, quō divinò irradiatus lumine sibi applaudebat cantans Ps. 29. ego dixi in abundantia mea, non movebor in aeternū. testari pariter coactus est: *avertisti faciem tuam, & factus sum consurbatus.* Agnovit tamen temptationem istam sibi ingentis beneficii loco evenisse, cūm cecinit: *bonum mihi, quia humiliasti me &c.* S. Paulus in Doctorem Gentium ob cœlitū inditam sapientiam creatus, testatur de se 2. Corinth. 12. ne magnitudo revelationum extollat me, datus est mihi stimulus carnis mea Angelus Sathanus, qui me colaphizet. Sicut enim in cista pretiosissimis impleta vestibūs, omnia putrescunt, si semper clausa maneat, vestibūs nunquam auræ expositis, ita magni intellectus Dona in homine deposita, si non quandoque temptationum vento exponantur, redduntur putrida. Et sicut caro, asserit Origenes super lib. Num. eti p̄cipua magna sit, si sale non aspergatur, brevi corrumpitur: ita & anima, eti excelsa sit: nisi temptationibus assiduis saliatur, & relaxatur. Dicam ego: esse cinerem, qui supernum in homine conservet ignem. Dicam, esse Aultrum illum, qui hortum Sponsæ perflat, ut virtutis odorem nunquam non spiret, esse nivem, quæ illam instar lanæ seu pellis foret, & secundam reddit Christiani pectoris terram, esse Gentem illam, quam dereliquit Dominus, ut erudiret in eo Jerosolymam. Hec dicta confirmat aeternum Patris verbum, quod teste Blasii nostrō in conclavi animæ c. 4. olim apparenſ S. Brigitte, dixisse fertur: ut homo intelligat infirmitatem, quam habet à seipso, & fortitudinem, quam habet à me, necesse est, ut quandoque permittatur pulsari pravis cogitationib⁹, quibus si non consentit, illi efficiuntur ei purgatio animæ & custodia virtutum. Quare Christ. Lector, si statim post tempus illud, quō te supernō lumine illustratum instar Salomonis accedunt mulieres, temptationes videlicet in te litigantes, jube ocios tibi afferri gladium mortificationis, & temptationes illas, dum etiamnum infantes sunt vix natæ, dividere allabōra, nil materni affectus erga illas demonstrans, aliás si fovisti, periisti.

Ccc 2

Quoties

Quoties restiteris, toties coronaberis, inquit S. Bernardus. Hoc unicum tamen ora, instar Salominis à Deo petere jussus: ne nos inducas in tentationem, h. e. intesprete Augustinò: ne desertus adjutoriò Dei tentationi vel consentias deceptus, vel cedas afflatus. Nam & perfectissimi athlethæ Dei suis nunquam in hoc beilo confidebant viribus, sat gnari: non dari in hac vita tam rigidam disciplinam, tam consummatam sanctitatem, quæ de victoria semper sit secura. Vicit tentatio in piissimis viris longa jejunia, frequentissimas orationes, assiduas mortifications. Vicit Sanctissimos Patriarchas, superavit zelosissimos Prophetas, prostravit castissimos Nazaræos, seduxit fidelissimos Apostolos, excæcavit sapientissimos Sacerdotes, violenter è claustris extraxit Monachos, Anachoretas ex Eremis, virgines è Monasteriis. Ergò ora assidue: & ne te inducat in temptationem.

N. 284. Considera 2. Mirâ Dei Providentiâ factum esse: quod Templum illud in toto orbe celeberrimum, non à Davide, eti virò piissimo, sed à Salomone ejus filio fuerit exstruendum. Is ad Regem Tyri scribens, talibūs utebatur verbis cap. 5. v. 2. Tu scis voluntatem David Patris mei, & quia non potuerit edificare Domum Nomi Domini Dei sui propter bella imminentia per circuitum, donec Dominus daret eos sub vestigio pedum ejus. Nunc autem requiem dedit Dominus Deus meus mihi per circuitum, & non est Sathan neque occursus malus. Quæ verba expendens Doctissimus Marulus lib. 3. c. 6. afferit: quoniam David in negotiis militarib⁹ assidue versatus, hostium cruce foedaverat manus, prohibitus est, edificare Altare Domino: Salomon autem jussus est, ut qui semper pacificus, & belli abstinentis fuit. Constat inde, quanti apud Deum momenti & meriti sit Pacis amor, belli & discordiarum odium. Huc videtur alluisse Deus in ipso creaturarum exordio, quando videlicet creans animalia, usu rationis destituta, ea creavit duplia, masculum & fœminam, creans verò hominem creavit unum, Adamum nempe Protoparentem nostrum, ex cuius deinde costa fœminam formavit. Hoc factum declarans S. August. lib. 12. de civit. Dei ait: propterea Deus creare voluit unum, puta hominem, de quo multitudo propagaretur: ut hac admonitione etiam in cunctis unitas servaretur. Theodoretus quæst. 30. iu Exod. Augustino consentiens, inquit: volebat creator naturæ ad concordiam adducere unumquodque genus, hac de causa ipsum Adamum de terra formavit, ex eo verò mulierem, ut eandem in illis esse naturam demonstraret, & naturalem quandam benevolentiam mutuam in

in illis insereret ; si enim rebūs sic le habentibūs viri cum mulieribus contendunt, & mulieres cum viris, quid non admisissent, si aliunde mulierem formasset? eōdem fine solis hominibus Deus impressit suam imaginem & similitudinem Genes. 1. ut teste Idiotā lib. 3. contempl. eidem similes facti, charitate se invicem diligent. Id moris in valuebat apud veteres Aethiopiæ Populos, ut omnem ignem certō quodam anni die extinguerent, novum accensuri, quem ipse Rex silice eliciebat. O quām fortunata foret Christianorum Gens! si & ipsa laudatum hunc morem modō spirituali ac mysticō observaret, extinguendō in cordibus suis omnes inimicitiae flamas, & accendendō novum pacis ac concordiae ignem, juxta illud Lucx 12. *ignem veni mittere in terram, & quid volo, nisi ut accendatur:* Israēlitæ finitā captivitate Babylonica in patriam reduces, non dubitaverant; superesse ignem pro sacrificiis Deo offerendis, quem Jeremias occultaverat; sed suā spe penitus se invenēre frustratos, quando locō ignis visa ab illis est aqua, stagnans & lutulenta. Verba S. Scripturæ sunt 2. Mach. 8. & non invenerunt ignem, sed aquam crassam. Christiane Lector male metuo, ne idem Deo obtingat, qui scrutaturus cor tuum, an foveat ignem pacis & concordiae cum proximis tuis? cernere cogatur, in vicem hujus ignis successisse aquam crassam odii & inimicitiae. Verū si S. Evangelio credis, quid aliud tibi præfigire poteris, quām te tales aquam in pectore diu circumferentem, transiturum ad ignes in æternum non extinguendos. Hos autem evitare si cupis, expelle has aquas, & cum inimico in gratiam rediens: ut ignem amoris erga illum semper conserves, dic cum Rege Hiram, Salomonem alloquente v. 8. cit. cap. *ego faciam omnem Voluntatem tuam.*

Doctrina 3.

Desumpta ex cap. 6. & 7. lib. 3. Regum, in quibus describitur Templi structura absque ullius mallei sonitu, ornatusque Templi. Fabrica Domus regia & saltus columnarum &c.

Considera 1. IN illa fabrica, quæ ter mille & trecentos opificum mini- N. 285.
stros & octoginta tria millia artificum occupaverat, quos
Rex Tyri miserat, & totidem Rex Aegypti, nec minimum quidem
exaudiri potuisse strepitum testante S. Scripturâ c. 6. v. 7. *malleus &*
Ccc 3 *secu-*